

Xoves, 21 de setembro de 2017

Núm. 182

ADMINISTRACIÓN LOCAL

MUNICIPAL

SOUTOMAIOR

Subvencións e axudas

CONVOCATORIA E BASES DE CONCESIÓN DE AXUDAS PARA DEPORTISTAS INDIVIDUAIS NA ANUALIDADE 2017

CONVOCATORIA E BASES DA CONCELLERÍA DE DEPORTES DO CONCELLO DE SOUTOMAIOR PARA CONCESIÓN DE AXUDAS PARA DEPORTISTAS INDIVIDUAIS DO CONCELLO NA ANUALIDADE 2017

A Concellería de Deportes do Concello de Soutomaior, sendo consciente das dificultades dos deportistas de modalidades individuais para progresar na súa formación integral e para participar en distintas competicións, convoca as axudas para a promoción e difusión do deporte e para impulsar a práctica deportiva.

Establécense as bases reguladoras da concesión destas axudas, de conformidade co disposto na Lei 38/03, de 17 de novembro, xeral de subvencións, e na Lei 9/07, de 13 de xuño, de subvencións de Galicia.

PRIMEIRO.- OBXECTO

O obxecto da presente convocatoria é establecer os criterios que regularán a convocatoria do programa: Axudas para deportistas individuais do Concello de Soutomaior, anualidade 2017.

Terán a consideración de deportes de carácter individual todos aqueles deportes que, segundo a súa regulamentación, son practicados por un ou dous deportistas como máximo.

SEGUNDO.- DESTINATARIOS/AS

Os/as que participen en competicións deportivas oficiais tanto de carácter provincial, galego, estatal como internacional e manteñan na data de presentación de solicitudes a súa actividade competitiva oficial e federada.

Os/as aspirantes terán que cumprir os seguintes requisitos:

- Estar empadroadado no Concello de Soutomaior antes do 01-01-2017
- Estar federado no período para o que se solicita a axuda e na data de solicitude da mesma dentro da modalidade que practiquen.
- Estar ao corrente nas obrigas tributarias coa Facenda estatal e autonómica, así como estaren ao corrente das obrigas coa Seguridade Social.

Código seguro de verificación: 90DXEYZA9WPAJKM5



Xoves, 21 de setembro de 2017

Núm. 182

- Os establecidos no artigo 13 da Lei xeral de subvencións e aplicables no presente caso.
- Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.

As axudas reguladas nas presentes bases concederanse en réxime de concorrencia competitiva e baixo os principios de obxectividade, transparencia, igualdade, non discriminación, eficacia e eficiencia.

TERCEIRO.- CONTÍA E CRÉDITO ORZAMENTARIO

A dotación orzamentaria total da presente convocatoria é de 5.500,00 €, distribuídos segundo o establecido no punto sexto das presentes bases.

O importe da axuda individual farase coa seguinte fórmula:

$$\frac{5500 \times \text{Puntuación individual}}{\text{dividido entre Puntuación total dos solicitantes}}$$

- (A puntuación individual final establecece polos puntos obtidos multiplicados polo coeficiente do deporte)
- O máximo por deportista non poderá superar o 12% do orzamento total

CUARTO.- DOCUMENTACIÓN, FORMA E PRAZO DE PRESENTACIÓN DAS SOLICITUDES

As solicitudes presentaranse, no Rexistro Xeral do Concello ou ben a través dos medios establecidos no artigo 38.4 da Lei 30/92, de 26 de novembro, de réxime xurídico e procedemento administrativo común.

Data límite para a presentación de solicitudes: 1 mes, contado a partir do seguinte á publicación da convocatoria no BOPPO.

Cada deportista só poderá optar a unha única axuda, independentemente do número de modalidades deportivas que practique.

As solicitudes (Anexo I) virán acompañadas da seguinte documentación:

- a) Fotocopia do DNI.
- b) Certificado orixinal de empadramento do concello de Soutomaior.
- c) Declaración xurada das subvencións ou axudas solicitadas ou percibidas polo solicitante por parte doutras entidades públicas ou privadas (nacionais ou estranxeiras) para o financiamento da actividade para a que se solicita a axuda (Anexo II).
- d) Declaración xurada de non estar incurso en prohibición para obter a condición de beneficiario da subvención conforme ao disposto no art. 13 da Lei xeral de subvencións. (Anexo II).



Xoves, 21 de setembro de 2017

Núm. 182

- e) Declaración xurada de estar ao corrente das obrigas coa Axencia Tributaria autonómica, coa facenda galega e coa Seguridade Social. (Anexo II)
- f) Certificado orixinal da conta bancaria, na que necesariamente figurará o solicitante.
- g) Fotocopia compulsada da licenza federativa que deberá estar vixente..
- h) Memoria deportiva do ano 2016 – Indicando o carácter de cada competición onde se participou (provincial, galego, estatal ou internacional).

A presentación das solicitudes supón a aceptación incondicional das presentes bases e das condicións, requisitos e obrigas contidas nelas.

A concorrencia ao proceso de concesión das axudas implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei orgánica 15/99, de 13 de decembro, de protección de datos de carácter persoal.

A finalidade da recollida e tratamento dos datos persoais será estritamente a tramitación do expediente correspondente.

QUINTO.- PROCEDEMENTO

Unha vez presentada a solicitude revisarase a documentación achegada. No caso de estar incompleta ou conter erros, requiriráselles aos/ás solicitantes que no prazo de dez días hábiles, acheguen os documentos preceptivos, con indicación de que se transcorrido o prazo non o fixeran, procederase ao arquivo da solicitude.

A avaliación das solicitudes realizaras unha comisión de valoración, constituída con tal fin e terá a seguinte composición:

- Presidente: O Alcalde do Concello de Soutomaior ou a persoa en quen delegue.
- Secretario: A Secretaria do Concello de Soutomaior
- Vogais: A interventora do Concello de Soutomaior e una técnica deportiva da Concellería de Deportes do Concello de Soutomaior

Unha vez valoradas todas as solicitudes por parte da Comisión de Valoración, proporáselle a concesión das axudas á xunta de goberno do Concello, quen resolverá.

O prazo máximo para resolver e notificarlles aos interesados/as a resolución do procedemento, será de 1 mes contados a partir do día seguinte hábil ao de finalización do prazo para a presentación de solicitudes.

Transcorrido o citado prazo sen que se adopte resolución expresa, entenderase desestimada.

A aceptación da subvención concedida entenderase efectuada se no prazo de 15 días hábiles contados a partir do seguinte hábil ao da notificación da resolución non renunciaron a ela expresamente mediante escrito dirixido á Concellería de Deportes.



Xoves, 21 de setembro de 2017

Núm. 182

SEXTO.- CRITERIOS DE VALORACIÓN

Os resultados a valorar deberán cinxirse exclusivamente á modalidade deportiva para a que se solicita a axuda e na que o/a deportista teña a correspondente ficha federativa. De acordo co punto segundo das presentes bases, puntuarase a participación nas competicións provinciais, galegas, estatais e internacionais no período que vai desde o día 1 de xaneiro de 2016 até o 31 de decembro do mesmo ano, segundo o seguinte baremo:

- A.- Participación en cada proba oficial de ámbito Mundial (50 puntos)
- B.- Participación en cada proba oficial de ámbito Europeo (40 puntos)
- C.- Participación en cada proba oficial de ámbito Nacional (30 puntos)
- D.- Participación en cada proba oficial de ámbito Galego (20 puntos)
- E.- Participación en cada proba oficial de ámbito Provincial (10 puntos)

Coeficientes deporte

Deporte	Coef.
Automovilismo	1,40
Ciclismo-Deportes Inercia	1,30
Artes Marciales	1,00
Piraguismo-Remo	1,30
Vela	1,50
Esqui N.	1,20
Atletismo	1,00
Ximnasia	1,00

Aos deportes non especificados seralle adxudicado o seu coeficiente pola comisión de valoración tomando como base os gastos de material empregado na práctica deportiva.

Aos deportistas paralímpicos aumentaráselle no coeficiente do seu deporte 0,50

SÉTIMO.- RESOLUCIÓN, PUBLICIDADE E RECURSOS

A resolución porá fin á vía administrativa e contra ela os/as interesados poderán interpoñer recurso de reposición ante o mesmo órgano no prazo dun mes desde a notificación, ou ben alternativamente recurso contencioso-administrativo no prazo de dous meses, contados dese o día seguinte á referida publicación.

A resolución do procedemento non se fará pública, de acordo co punto 3, apartados c) e d) do artigo 18 da Lei 38/2003 xeral de subvencións.



Xoves, 21 de setembro de 2017

Núm. 182

OITAVO.- PAGAMENTO DAS AXUDAS

O pagamento das axudas farase nun único pagamento previa presentación dos gastos xustificadas

Con:

- Facturas orixinais (fotocopias debidamente compulsadas) ou certificados de pago relacionados coa actividade realizada no seu caso.
- Acreditación do gasto realizado (como mínimo o importe da axuda), é dicir, que foi efectivamente pagado, podendo acreditarse mediante copia da transferencia/as bancaria efectuada, ou recibo de pago sempre que no mesmo conste: pagado, data, firma e selo da empresa

Non haberá posibilidade de efectuar pagamentos anticipados e aboamentos a conta da axuda concedida.

NOVENO.- OBRIGAS DOS BENEFICIARIOS/AS

O/a beneficiario/a estará obrigado/a a facilitar a información que lle sexa requirida polo Concello de Soutomaior e polo Consello de Contas de Galicia, someténdose á responsabilidade e ó réxime sancionador establecido na Lei Xeral de Subvencións, e no seu caso, ó disposto no vixente Código Penal.

Estarán obrigadas a sinalar en todo tipo de publicidade que realicen das actividades de que se trate, que estas contan co financiamento do Concello, na indumentaria levará o escudo do Concello así como a expresión: "Colabora o Concello de Soutomaior".

DÉCIMO.- CONTROL E REVOCACIÓN DA SUBVENCIÓN

O Concello de Soutomaior resérvase o dereito a orientar tecnicamente as actividades, a comprobar os datos económicos así como a supervisar a efectiva realización delas, e a entender e dar a coñecer publicamente as actividades subvencionadas.

O Concello de Soutomaior poderá revogar nos seguintes casos:

1. Obtención da subvención falseando as condicións requiridas para elo ou ocultando aquelas que o impeditan.
2. Incumprimento total ou parcial do obxectivo da actividade a subvencionar.
3. Incumprimento das obrigas de adopta-las medidas de difusión contidas no apartado primeiro do artigo sete da presente Base.
4. Resistencia, escusa ou obstrución ou negativa ás actuacións de comprobación e control.

Soutomaior, a 5 de setembro de 2017.—O Alcalde.

